



Broj: T01 0 KT 0047068 25

Dana, 02.07.2025.godine

OPĆINSKOM SUDU U CAZINU

Sudiji za prethodno saslušanje

Na osnovu odredbe člana 45. stav 2. tačka h), a u vezi sa odredbom člana 241. stav 1. i odredbom člana 350. stav 1. i 2. Zakona o krivičnom postupku F BiH, **podizem:**

O P T U Ž N I C U

PROTIV:

V. A.,

DA JE

Dana 23.12.2024.godine, oko 17,30 sati, u C., u mjestu M., upravljajući prijevoznim sredstvom – putničkim motornim vozilom marke Passat, reg. oznaka (...), njegovo vlasništvo, u kojem vozilu se na mjestu suvozača nalazila V.R. S., postupio suprotno odredbi člana 43. stav 1., 39. stav 1. i 2. i člana 55. Zakona o osnovama sigurnosti saobraćaja na putevima u BiH („Sl. glasnik BiH“, broj 6/06), svjestan da kao učesnik u prometu ne pridržavajući se prometnih propisa može ugroziti javni promet dovodeći u opasnost život ljudi ili imovinu većih razmjera, ali olako držeći da takva zabranjena posljedica neće nastupiti, tako što je, krećući se magistralnim putem M-4,2 iz pravca naselja O. u pravcu C., dijelom puta gdje je brzina kretanja vozila ograničena maksimalno do 60 km/h, kretao se brzinom najmanjom od oko 50 do 54 km/h, koja brzina kretanja nije bila prilagođena atmosferskim prilikama i uslovima na putu jer je bila noć i mokar kolovoz prekriven snijegom, te izlazeći iz blage lijeve krivine velikog poluprečnika nije držao vozilo što bliže desnoj ivici kolovozne trake kojom se kretao, niti držeći sa svoje lijeve strane minimalni razmak vozila za bezbjedno mimoilaženje sa vozilima koja se kreću u suprotnoj kolovoznoj traci, a koji bezbjednosni razmak je u konkretnom slučaju iznosio 0,50 metara, nego je svojim vozilom prešao u suprotnu, lijevu kolovoznu traku, a kojom se u tom momentu kretalo teretno vozilo marke Man tip TGS, reg. oznaka (...), godina proizvodnje 2021.god., vlasništvo privrednog društva M. BH. d.o.o., kojim je upravljao J. H., usljed čega je na lijevoj kolovoznoj traci došlo do udara prednjeg lijevog dijela vozila u prednju bočnu lijevu stranu teretnog vozila, kojom prilikom je V. S. zadobila tešku tjelesnu povredu izraženu u vidu prijeloma vrata i glavice desne nadlaktične kosti, dok je na teretnom vozilu marke Man tip TGS, reg. oznaka (...), vlasništvo M. BH d.o.o. nastupila materijalna šteta u iznosu od oko 18.810,84 KM.

Dakle, iz nehata, kao učesnik u prometu na putevima nije se pridržavao prometnih propisa i time tako ugrozio javni promet da je doveo u opasnost život ljudi i imovinu većih razmjera, pri čemu je prouzrokovana teška tjelesna povreda jedne osobe.

Čime je učinio krivično djelo Teška krivična djela protiv sigurnosti javnog prometa iz člana 336. stav 3. u vezi sa krivičnim djelom iz člana 332. stav 3. KZ FBiH.

Na osnovu iznesenog predlažem da naslovni sud, bez provođenja glavne rasprave, donese presudu kojom se optuženi V. A. oglašava krivim i izda slijedeći;

KAZNENI NALOG

Optuženom V. A., sa ostalim podacima kao u optužnici, zbog krivičnog djela Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. KZ FBiH, izriče se :

UVJETNA OSUDA

Kojom mu se utvrđuje kazna zatvora u trajanju od 6 (šest) mjeseci i istovremeno se određuje da se utvrđena kazna zatvora neće izvršiti, ukoliko optuženi V. A. u roku od 1 (jedne) godine od dana pravosnažnosti presude ne počini novo krivično djelo.

PRIJEDLOG dokaza koje treba izvesti

- 1. Da se ispituju vještaci:**
- 2. Da se saslušaju svjedoci:**
- 3. Da se pročita:**
- 4. Da se izvrši uvid u:**

REZULTATI ISTRAGE

Dokazi koji potvrđuju navode iz optužnice:

KANTONALNI TUŽILAC